

sandriben

Da: "alberto sperotto | comitato di cittadini contro il collegamento autostradale delle torricelle"
 <presidente@traforo.it>
Data invio: domenica 21 dicembre 2008 17.09
Oggetto: buon natale, e anno nuovo



Che tera, acqua e aria

E anca par 'sto ano Nadal el rivarà
 lasando un ano vecio che belo non l'è stà

Le luci de la festa su albari e lampioni
 ricorda a tuti i cristi de diventar più boni

L'è tempo de regali de sogni, de promesse
 l'è tempo de bilanci da metar ne le seste

Ma mi, par st'ano novo ch'el vien dopo el bisesto
 g'ò in mente n'altra roba da metare nel sesto

E penso a 'sta Verona co tuta la so storia
 tra l'Adese e i so monti g'à ancora la memoria?

Che Roma e Medioevo l'à fata rica e forte
 Venesia e 'po el todesco g'à meso le so porte

Voria che la tornase cità de tante genti
 che mescola al latino le lingue dei foresti

Voria che la tornase più semplice, serena
 co l'Adese che specia 'na bela luna piena

Poder goder le piase i vicoli, i giardini
 'e ciacole de done el ciaso dei butini

Par mi, vedio, adeso le tuta confusion
 le machine che romba e tuti i g'à rason

Sarò ben el paron, paron a casa mia

e se va ben par mi e so 'na litania

Alora, par 'sto ano che novo el se presenta
ghe meto drento al sesto na semplice richiesta

Che tera, acqua e aria, che i veci i na lasà
se deva conservarle par quei che vegnarà

Lasen che la colina la varda la pianura
de l'Adese la senta el canto de la schiuma

E no la procesion de machine e de bestioni
che speta de pagar sporcandone i polmoni

I busi i fa del mal ai omeni, a le bestie
ai campi coltivadi e a le persone oneste

Saria proprio contento de averghe 'sto regalo
ch'el scempio del traforo el vegna s-cancelado

Giampaolo